

No Panon Mon Nakasundo so Agim

“Itultuloy yon itepel so sakey tan sakey tan mabulos a perdonaen so sakey tan sakey anggano walay rason na sakey ya ireklamo imay sakey.”—Colosas 3:13.

Importantin naaralan no panon so pan-ayos ed saray problema, tan balibalin igapo itan ed pamilya.

Usaren iray tepet ed leksab pian amtaen, aralen, tan ayosen so problema no agmo nakasundo so agim.



AMTAEN SO PROBLEMA

Siopan agim so agmo nakasundo?

Antoy maslak ya pankokolkolan yo?

Panon ya maslak ya onggagapo itan?

Say agik et . . . (isulat so gagawaen to)

kanian siak . . . (isulat so reaksion mo)

tan say nagawa et . . . (isulat so resulta)



Anto kasi walad nonot to nen agawa itan?

ARALEN SO PROBLEMA

IBABAGA NA BIBLIA:
“Legan yon aanapen so pankaabigan na arum, aliwan say pankaabigan yo labat.” (Filipos 2:4)
Imadyin mo ya wala kad situasyon na agim tan no antoy nayaran iisipen to.

No sikato so mangistorya, anto kasi ibaga ton *ginawam* ya aliwa?

Antoy nanengneng mon duga ed iisipen na agim?

AYOSEN SO PROBLEMA



Wala kasi nayaran napantongtongan o ipalugar yo? No wala, anto iratan?

Antoy nayaran gawaen *mo* no ontumbok pian agla ombaleg so problema?



Dinan ed sarayan prinsipyo so nayaran nonoten mo no wala lamet so ontan ya problema?

- “Manaaroan kayon maong manlapud puso.”—1 Pedro 1:22.
- “Naamtaan komon na amin a totoo a makatunongan kayo.”
—Filipos 4:5.
- “Agka komon mainomay a nasakitan, ta say panem-em na sakit na linawa et tanda na sakey a makulangkulang.”—Eclesiastes 7:9, footnote.
- “Say pangigapo na kolkolan et singa pangilulukas ed puerta na danum; antis nin ompetang so sangsangan, taynan ka la.”
—Proverbio 17:14.
- “No anggapo lay kiew, naerep so apoy, tan no anggapoy managpauges, ontunday kolkolan.”—Proverbio 26:20.
- “Akin . . . et onnenengneng kad dutak a walad mata na agim, balet ta agmo naiimano so troso a walad mismon matam?”
—Mateo 7:3.

Insan isulat mo no antoy naapresyam odino labalabay mod agim.

SARAY PRINSIPYO ED BIBLIA

ANTOY GAWAEN MO?

IBABAGA NA BIBLIA:

“Say salitan agla ninonot et singa saray saksak na espada, balet say dila na marunong et mamaabig.”
—Proverbio 12:18.

“Nen naospital si Daddy ya abayag, nairapan ak ya ombisita ta agko amtay man-drive. Imbagak ed si kuyak ya labay koy mangala na driver’s license, pero imbaga ton busy kania agto ak nibangat ya man-drive. Anggan in-explain ko la no akin et kailangan ko itan, agto ak pinansin tan singa imbaliwala toy problemak. Agko apigilay sarilik tan imbagak ed sikato ya anggapoy pibabali to anggano agko nanengneng si Daddy tan agto iisipen so naliliknak. Mamapasnok ya maong si kuyak. Nan-eyagan kami tan pareho min imbaga ed kada sakey ya anggapoy konsiderasyon to.”—**Karina.**

No sika si Karina, panon *mon* ayosen so problema?

NO ANTOY GINAWA NEN KARINA: “Nen kabuasan la, nantongtong kami nen kuyak. Nan-sorry lapud akapasnok tan imbaga toy amin ya pressure ed sikato. Agko amta ya dakel manayay iisipen to. Kayari ton imbaga so talagan nalilikna to, nan-sorry ak ta akaarum ak ni ed iisipen to. Amtak ya maong so intension ko, pero aliway timing ko.”

